



續修東湖縣志

ル 5  
3163  
3





門 5  
3163  
卷 3

卷七·十三頁  
落丁



東湖縣志卷六

山川志

楚有四望以江為大江有三峽西陵居其一蜀墟為兩戒山河之首其自岷山幡冢負地絡之陽而來者水自此彝山自此陵其奇秀亦畢萃於斯鍾為人物地氣之所助殆非偶然至於因川而設津梁循山而建郵遞人力所通皆

聖德之所暨訖以類附載固設治者所必究也志山川

山

東山縣東關外五里山勢平遠為一縣主鎮唐建東

東湖縣志卷之六山川

昭和十四年  
六月十七日  
購求



山寺於上明知州童世彥

國朝總兵官劉業溥相繼修復俱有碑記

鎮境山在縣北關外五里上有元帝祖師廟有竹木樓閣之勝爲一縣佳境後有土城數百丈卽滇藩盤踞攻擊處現有案牘可考

斷江山在峽口南岸去城十五里水經註云昔禹治水以此江小不足瀉水更開今峽口水勢並衝此江遂絕謂之斷江山一名斷江峽

西陵山在社林舖縣西北十五里蜀江之險始此方輿覽勝載吳陸遜守峽備蜀卽此又相傳卽古夔

山前漢地理志應劭曰夔山在西北因夔山故曰夔陵歐陽修引以爲據又曰巴峽之險至此始平夔故名夔山

紗帽山在縣西十里紫陽山下有明少宰王篆祖墓相傳明知州楊春震壞其砂臂山脈遂衰

葛道山一曰孤山外臨大江峭削聳秀相傳葛稚川煉丹之所故名湖廣通志謂郭景純結廬於此基尙存有一井一鐘呼曰郭道晉袁崧爲郡時嘗登山眺望謂俯臨大江如縈帶視舟楫如鳧雁

筆架山縣西南隔江對岸居葛道山上爲今新改學



宮朝對三峯連峙故名筆架

五龍山大江西南之涯去縣治十五里五峯連峙蜿蜒起伏若遊龍然

執笏山在烏石舖縣南三十里高百餘丈山傍立一小山大小相湊如人執笏狀笏上有元帝觀又石壁一白跡儼若老人戴冠執笏危坐蒲團上因名將軍帽肖山形也在烏石舖縣南四十里十二培一作背之險此山居其上

荆門山在烏石舖縣南五十里與虎牙峽迤相對上合下空有若門然一名仙人橋舟行至此先避虎牙而南復避荆門而北橫流湍急懸崖千丈非乘風奮楫舟莫能進昔公孫述作浮橋爲岑彭燒斷橋樓處郭璞江賦云虎牙桀豎以屹峙荆門鬪竦而盤薄康熙五十三年荆州知府邱天英捐廉僱匠於懸崖中開劈緯路垂鍊索石柱以資攀援後宜昌知府李元英李瑾接續修寬

虎牙山在高陞舖縣東南五十里懸崖臨江崖上黃白文似虎牙下卽虎牙灘水急灘惡露石如磨牙利伴劍戟不可躡上舟人辟易乃渡向南岸由荆門而上虎牙之險更倍荆門



豐寶山在峰溪舖縣北三十五里上產石子紅白二色

對馬山在普溪舖縣東北九十里卽東山來脈所自縣境內一少祖也相傳漢壽亭侯與吳呂蒙對馬於此因名

馬鞍山在羅惹舖縣北八十里漢昭烈屯獠亭爲陸遜所敗升彝陵之馬鞍山燒鎧而斷石門陳兵自繞卽此

方山縣東北陸行一百二十里四方素崖如壁天晴朗時有黃影似人像按袁崧宜都記載山有神祠場特生一竹茂好尾垂場中有塵則風動竹搖塵去如掃

石鼻山在河西舖峙江干縣西北四十里高五百餘仞下臨江流中有巨石橫六七十丈如簞筏因名亦曰石鼻後周移州治於此

高筐山在五隴舖縣南五十里與葛道山相望按荆南圖副云古老相傳堯時大水此山不沒如筐筐然因以爲名曰文佛山鷄籠山者土人語也

天臺山一名四面山在河西舖去城三十五里上有觀曰天臺觀鐘聲聞十里之外先是西山賊出沒



東海縣志 卷之六  
四  
爲害土人避亂結屋其上有警則鳴鐘須臾聲達  
於城輒渡江繫之一方賴以保全觀奉元帝像禱  
祀不絕。

黃牛山在黃牛舖縣西九十里江南岸峭壁間石色  
如人負力牽牛之狀人黑牛黃歷歷如繪人跡罕  
至莫得究焉此崖甚高江湍迂迴行者經宿猶望  
見之古歌曰朝發黃牛暮發黃牛三朝三暮黃牛  
如故

南天山在新興舖距城十五里上有廟無碑記可攷  
據土人云創自元朝凡廟中土田俱係居民施與

硃寶山在縣北四十里峰高而色赤遠望其頂如硃  
故名上石 白刹彝陵州知州楊傳松重修碑記猶  
存其山居大溪咸池下坪三舖分界之處

鳳凰山在咸池舖距縣五十里上有龍興寺明宏治  
正德間一碑猶存正德碑後有宋歐陽修遊寺詩  
寺後有師壽塔一座

祥鳳山在咸池舖去城五十里上有普庵寺

三臺山在普溪去城七十里其峰巒次第有三故名  
三臺上有觀於順治初年乾隆四年復修有碑  
石柱山在松門溪對岸明薛東有詩載藝文



伏牛山在院庄舖距縣一百二十里環院庄皆山也  
峰高木密蔚然深秀伏牛尤高竦因建寺爲一方  
之望

白雲山在雙泉舖縣東北九十里山上有廟創於康  
熙初年今已崩頽有郡人雷振輓本山三明僧詩  
碑剝落不可讀

五興山在大泉舖距城六十里上有廟踞絕頂燬於  
火西望天臺南眺葛道盡在眼底

鳳凰山在河西舖去城西三十里  
硯池山在河西舖紫陽去城十五里

望州山在河西舖去縣西北九十里山高而秀望見  
一州之境故名今新建白雲觀

鷄子山二一在高陞舖距城六十里山上有廟一在  
霧渡舖距城一百八十里

北斗山在河西舖去城十里  
獅寶山在九溪舖距城四十里

九子山在咸池舖距城六十里九峰連亘故名  
天柱山在袁家舖距城六十里屹立江干如柱然

金剛山在社林舖距城九十里  
牛頂山在菓園舖距城一百二十里



雲霧山一在菓園鋪距城九十里一在社林鋪去  
城北一里

鳳山在龍泉鋪與龍泉寺相對去縣六十里

天寶山在雙泉鋪去城九十里

大梁山在小峰鋪去城一百二十里

雲台山在社林鋪北界去城一百三十里

朝陽山在大王鋪去城一百里

紫雲山在院庄鋪去城一百二十里

望江山在霧渡鋪去城一百五十里

香爐山在霧渡鋪去城一百九十里

關門山在紙坊鋪去城二百六十里

五指山在河西鋪隔江八里

馬胡山在楞演鋪去城一百八十五里

師家山在樟材鋪去城二百七十五里

佛首山在下坪鋪去城三十里

千佛山在河西鋪去城五十里

銅寶山在河西鋪去城西南七十五里

狀元峰其山屬長陽但爲縣治拱案故附載之

屏風閣在縣東南五十里臨江岸虎牙山下

巖



孝子巖在縣治西對岸上有蘆林總鎮治大雄於巖間鐫蘆林古渡字循溪入巖東有姜詩孝子祠

九丈巖在五龍舖西南

大王巖在大王舖旁有歇馬石

箱子巖在下坪舖去城北三十里相傳土人避亂巖

上有木箱至今不朽故名

抖賊巖在龍門舖去城東六十里俗名兜子巖

白鹿巖在峽口去城西北十五里下有洞因名其洞

曰白鹿洞

大埡巖在紙坊舖巖上刊東湖界歸州界六字

破石巖在普溪舖上有若土人避亂於此

紅巖在河西舖連長陽界雍正四年知州楊國聲立

有碑記

白巖在五龍舖懸崖素壁如雪故名

偏巖在河西舖距城十里勢懸若崩危臨溪上巖下

徑甚險隘康熙五十八年土人王發秉開闢成路

乾隆二年復修近又大修遂成坦路

黑巖在紙坊舖臨大江連歸州界去城西北一百九

十里  
龔家巖在五龍舖下有洞名龔家洞



董家巖在河西鋪臨江于

石

督郵石水經註載宜都建平二郡界有倚石如二人

攘臂相對傳二郡督郵立界於此按宜都郡即夔

陵今東湖也二石在峽口舟行見之

歇馬石在大王鋪傍大王巖左書字於巖上相傳漢

壽亭侯歇馬處

三眼石在樟村鋪西界距城二百七十里一石鑿成

三眼以明東湖保康興山三縣疆界

鳳凰石在三江內西岸距城里許水漲則沒水落則

見

紅石在荆門山下踞水之涯舟過其處必挽索以拔

之有風則奮楫而上

獅子石在普溪鋪

連子石在深溪鋪

老虎石在小峰鋪

盤石在城東五里下即綠蘿溪歐陽修有記

馬鞍石在樟村鋪

鷄冠石在河西鋪連三斗鋪界

花苞石在深溪鋪



洞

三遊洞縣西北二十里濱大江之左面下牢溪深邃幽怪唐元和間白居易與弟行簡及元微之遊洞中三遊之名始此後名人遊者甚眾詩文俱編入

藝文志

白起洞在縣北十五里秦將白起曾駐兵於此

石門洞在五隴舖去城西南四十里洞中潭深莫測水瀲灩從石罅中出冬温而夏涼旁有石田石龕石床可供遊息其石勢蜿蜒如龍而昂首出於洞之巔土人立廟祀之歲旱禱雨輒應故一名龍王

洞又曰靈洞絕壁間有黃字書月峽張仙到此傳是張三丰書

按通志仙釋傳載宜都張守清號月峽叟退隱清微妙化巖精修上道一日乘白鶴冲舉或即此叟所題云三丰者傳疑也

仙人洞在下坪石碑灘西岸巖高十數丈登者每望巖而返

龍王洞在河西舖去城西六十里洞出絕壁間離地二丈餘土人避亂躡梯而上再經盤旋方達於洞洞中平敞約二畝餘空處可容千餘人水滲洞下



石罅中流出有警則藏梯洞中壅石罅之水令流  
洞口障蔽原入之處賴以全活者甚衆又山石更  
懸出洞外十餘丈若罩護然

老龍洞在縣北二百里許係東湖遠安興山南漳四  
處交界之所歲旱請其水卽雨順治四年土人持  
火入洞見石壁空廠如室穹窿光平上有唐宋賜  
進士字迹方識爲名洞其流水出爲柳樹溪溪傍  
有鐵剛樹大六丈餘圍

鐘家洞在九溪舖內有平濶處土人稱爲龍床龍枕  
可容萬餘人山背爲後龍洞與前洞相通

次水洞在院庄舖址培坪洞中空大坪水流入洞口  
暗行二十里出三泉洞土人避亂此中

三泉洞在院庄舖潭深泉遠內多魚有出泉入泉之  
殊出者瘦入者肥相傳卽次水至此出焉

赭硃洞舊志云赤硃洞在大泉舖約四層每層其頂  
若鐘甚高而寬旁有空穴土人避亂或結寨於頂  
或依穴爲窟內有風隨水出

龍王洞在新興舖深三層有潭澄清泉水湧流四季  
不絕夏涼冬溫內有二石神像約高五尺座間刻  
有萬歷年號每遇大旱鄉人禱雨於此



白鹿洞在峽口白鹿巖下

九子洞在臨江舖九洞相連故名

觀音洞有三一在龍門舖一在烏石舖一在五龍舖

後龍洞在九溪舖

楊家洞在九溪舖

元暘洞在社林舖居鎮境山之後土人呼為綿羊洞

鷹窩洞在河西舖有鷹窩冲在焉故名

燕子洞在大峰舖

小泉洞在大泉舖

全古洞在大泉舖

白巖洞在龍門舖

涼傘洞在龍泉舖

欄木洞在霧渡舖係水流下注處非巖洞也

朝陽洞在下坪舖白洋坪

破石巖洞在普溪舖

燕子窩在下坪舖峰溪交家河大溪鄔家河二舖水

注此

馬家瀨在五龍舖石門洞前按水曲下曰瀨

培一統志作培一作背言山勢與江相背考  
字彙無培字丁朝作辨之甚明詳錄雜志

蝦蟇培在縣西五十里扇子峽伏絕壁下臨江南岸



大數丈宋黃庭堅云從舟望之頤頤口吻宛然培後有洞出泉陸羽品其水味為天下第一第陸游詩云巴東峽裏最初峽天下泉中第四泉

十二培在縣東南四十里大江南岸石山連峙江濱與虎牙山相對挽舟甚艱宋王十朋詩云楚國江山六千里荆門巖岫十二培今荆門州志引此詩

疑誤

磯

赤磯在縣西北五里步闡築城之所

穴

白馬穴在縣北三十里曾有白馬出穴食人人逐之入穴潛行出漢中漢中人失馬亦曾出此穴相去數千里

壩

平善壩在縣西北三十里按一統志云平善壩謂峽勢之險至此稍平善也

郭洲壩在縣西北八里濱大江內連西塞

西塞壩一云西塞洲縣西北城外隔一溪水落可陸行徑達

黃草壩在西塞壩上去城八里



東湖真元  
煙收壩在縣西南二十里濱江南岸土人訛呼胭脂

壩

陽壩在臨江舖江岸

護硃壩在三溪舖濱大江

臺

爾雅臺在北左門內

明月臺與爾雅臺對俱詳古蹟

威風臺二一在城北隅一在城東隅

王家臺在河西舖

擂鼓臺二一在河西舖一在峽口相傳漢張飛擂鼓

於此

鳳凰臺在東湖

李家臺在峰溪後舖

園

桃花園在西塞壩去城西五里

桐梓園在東關外里許

白菓園在紙坊舖

朱木園在烏石舖

杉木園在三斗舖

堤



金家堤在新興舖去城北十里

三公堤在東湖門外三里當荆襄巴蜀之衝旁有民

田明成化二十二年知州周肅築行旅便之荆州舊志

### 江

大江源有二其一發源於黃河之西巴顏哈拉嶺七

七哈納番名岷捏撮漢書所謂岷山在西徼外江

水所自出禹導江處在今四川黃勝關外乃稽山

古人謂江源與河源相近禹貢岷山導江乃引其

流非源也江水自黃勝關流入至灌縣分數十岐

至新津縣復合爲一流經叙州府金沙江入之金

沙江源自達賴喇嘛東北烏捏烏蘇流出烏捏烏

蘇華言乳牛山其水名母魯烏蘇東北流入喀水

地又東南流逕中甸入雲南塔城關名金沙江經

麗江府名麗江經永北府會打冲河逕武定府入

四川界至叙州府合岷江岷江既會金沙江後南

廣江會之至瀘州內江又自資簡會之至重慶嘉

陵江自利閬果合等州會之至涪州黔江合南番

諸水會之至萬縣開江諸水自開達等州會之然

後總而入峽出峽至夔陵始劃然開沿江身益大

二江上接大江之水流經郭洲壩一里出口仍會於



大江

三江上接大江之水流經西塞壩三里出口仍會於

大江

按兩江值大江泛溢則上流俱通名曰通三江  
冬至大江稍退兩江皆竭惟康熙十三年滇藩  
入寇占據西壩至十九年閱六載三江水溢不  
消賊不能渡及敗而水仍涸

峽

黃牛峽在縣西九十里巨石排空驚濤

險處也漢諸葛亮立祠祀黃牛之神

取

董工開導之勢古傳所載黃龍助禹

水九

載而成功信不誣也後人於廟側立

祠

扇子峽在縣西五十里蝦蟇培在焉

明月峽在縣西二十里懸巖間白石狀如月李白詩

春水月峽來歐陽修詩江上掛帆明月峽

斷江峽即峽口去城十五里詳見水經及斷江山條

內

西陵峽在縣西北十五里三峽之一袁崧宜都記自

黃牛灘東入西陵界里許山水紆曲林木高茂哀

猿發聲巖谷響應行者聞之莫不懷土



灘

絲網灘在縣城小南門河下其灘甚小水枯則見水稍泛則沒以漁人晒絲網處故名

青草灘在縣東南十五里水漲則平水落則激吳俞

彥守彝陵詩云青草灘長雲滿渡紅花套遠水含

煙郡人雷思霈詩云東嶺直趨青草渡南湖橫遶

綠蘿溪

羅鏡灘在縣西南二十五里與五拗子相對盤旋湍

急直接青草灘下流

五拗子灘在縣東南二十里臨江河上五磧相連綿

亘江心舟行必曲折奮楫而上

虎牙灘在縣東南五十里虎牙山下江石齒齒水漲

則水噴激不可上舟行至此必避虎牙南循荆門

右自邑治順流至宜都界共五灘

鼓噴堆灘在屯甲沱對岸距縣五里

鵝石子灘在紫陽距縣十里

三流灘在江南岸距縣十里

老虎堆灘在江北岸距縣十里

楠木坑灘在江心距縣十五里

白龍洞灘在江南岸距縣十五里以上二灘最險



黃茅灘在江心距縣二十里

偏腦灘在江北岸距縣三十里

神龕子灘在江南岸距縣三十里以上二灘入峽大

水最險

猪槽峽灘在峽江南岸距縣三十五里

獼猴灘在峽江北岸距縣四十里

打麥場灘在峽江南岸距縣四十里

石籐珠灘在峽江心距縣四十里最險

黃額洞灘在峽江北岸距縣五十里

喜灘在峽江南岸距縣五十里

猪圈子灘在峽江北岸距縣六十里

南沱三漩 在峽江心距縣六十里最險

清水灘在峽江南岸距縣七十里

無義灘在峽江心距縣七十里最險

狗頭灘在峽江南岸距縣七十里

紅石子灘 在峽江北岸羅佃溪口距縣八十里最險

查波灘在峽江南岸距縣九十里宋寇準赴巴東舟

經此灘遇黃魔神於此詳見雜錄其灘巨石長巨

江岸江漲水奔石上激撞復奮趨於紅石舟行最

險乾隆二十三年荆宜道來謙鳴覓工劈削尖峭



以殺水勢舟行便之因立石以志不朽

三珠灘在峽內黃陵廟大江中距縣九十里

黃牛灘俗呼大老翁灘小老翁灘在峽江南岸距縣

九十里最險

大石灘在峽江南岸距縣九十里

雷劈石灘在峽江南岸距縣九十五里

上下鹿角灘二灘在峽江南岸距縣一百里灘之對

岸有汞洞杜詩云鹿角真走險卽此

大紅珠灘在峽江心距縣一百二十里

虎頭灘在峽江俗呼南岸爲南虎灘北岸爲北虎灘

距縣一百二十里

羅圍灘在峽江北岸距縣一百二十里

青菜灘在峽江南岸距縣一百二十里

使君灘在峽江南岸距縣一百二十里水經註楊亮

爲益州刺史曾經此覆舟故名

拘腦灘在峽江內南岸距縣一百三十里

鍋籠子灘在峽江心距縣一百三十里最險

珠洗灘在峽江北岸距縣一百四十里

鱗魚嘴灘在峽口南岸距縣一百四十里

刁魚嘴灘在峽江南岸距縣一百四十里



敦灘在峽江南岸距縣一百四十里

獺洞灘在峽江心距縣一百四十里最險

人灘距縣一百四十里水至迅激南岸有青石嶽嶽

綿亘數十步隱隱有人形鬚髮悉具大小不一夏

沒冬出故名

狼頭灘杜詩云狼頭如跋胡註云在夔陵境內

狼尾灘在峽江中最險疑卽狼頭灘

右自邑治逆流至歸州界共四十二灘

磧

秤桿磧在雲池江心距縣六十五里

鷄心磧在荆門江心距縣四十里

甌底磧在南門外

土筆磧在西壩嘴諺云玉筆點江心卽此

晒網磧在西壩外江邊

長磧在郭洲壩尾距縣五里

口磧在長橋口距縣七里

湖

東湖在東門外去城三里今淤爲田

南湖在南門外去城三里水可溉田

樵湖在北門外去城里許土人採樵於此因名



范家湖在河西去城八里水源來自車溪至此匯聚

成湖

溪

浣紗溪在北關外夏月水泛其水有紋如浣紗然故

名舊志作浣紗女事誤詳見雜錄

赤溪在州北門外三里雷思霈云州北二十里有丹

山丹水出焉南入此溪故曰赤溪詩曰北門三里

赤溪流百里青溪千仞秋我欲往來二溪上青溪

騎馬赤溪舟

沙溪在社林舖去城北五里發源於東山右經綠蘿

溪會東湖走龐家溪出口入三江

長橋溪在社林舖去城北十里一大溪其大源發於

漳村舖黃栢河經東巡坡魚鱗溪入遠安地界神

龍河過三隅舖巖屋灘河又過大王舖紫草河至

下坪舖兩河口一會霧渡楞演大峰再會深溪小

峰五舖水過巴牛坪至蔡家河又過燕子窩及峰

溪文家河大溪鄔家河二舖之水過社林舖曹家

枋至朱家嘴會沙河水歸長橋大江

下牢溪在社林舖去城西北十五里北發源於麻家

溪經下村又西北發源於牛坪經巖偏峰小麻溪



二水會馬巖頭流經三遊洞下入江

大洪溪在社林舖去城西北三十里發源於本舖三

寶山經兆吉坪入江

南沱溪在袁家舖去城西北六十里一源發於深溪

舖中寶坪一源發於社林舖柘檀溪經本舖跳魚

灘譚家壩袁家坪歸南沱入江

羅佃溪在菓園舖去城西北八十里一源發於霧渡

舖經一村溝照面河藍家河中流河一源發於紙

坊舖白水頭經梅坪二水會板倉河經黃家冲袁

家坪漁陽溪入江

淨江溪在三溪舖去城西北一百五十里發源於本

舖龍潭坪入江

坦平溪在三溪舖去城西北一百六十里發源於紙

坊舖村經本舖入江

白水溪在三溪舖去城西北一百七十里發源於紙

坊舖龍潭坪經黃絲河關門山過本舖梅子廠入

江

單枋溪在紙坊舖去城西北二百里發源於本舖白

菓園入江

天官橋溪在青草舖去城南五里發源於東山寺左



青龍嘴經江家塆石垵子會南湖水出天官橋入江

百子橋溪在青草舖去城南十里發源於東山寺後烏梢尾由大梁子二梁子中流入百子橋出口入江

太平橋溪在青草舖去城南十五里一發源於盤石舖十八磴左右二冲過楊家橋至王家堰一源發於李家冲經周家坪至王家堰二水會於曉廠出

太平橋入江

白沙腦溪在青草舖去城南二十五里發源於岳家

冲胡家冲經白家冲會龍家冲過三元橋象鼻嘴王家河出口入江

臨江溪在臨江舖去城東南三十里爲一夫溪其大源發於遠安縣界經本縣雙泉舖過宋家嘴謝家蓬傅家套至龍門舖水府廟會大泉舖關庄河又會峰溪舖石橋河楊樹河至九溪舖獅寶山河又會李家臺長連坪河土門埡河再過竹山口董家湖出口入江

古墳溪在高陞舖去城東南四十里發源於本舖厚子坪經舌頭嶺溝長冲口出溪入江



磨盤溪在高陞舖去城南四十五里發源於龜冲經龍洞坪觀音崖出口入江

彭家溪在蹇家舖去城東七十五里發源於麻陽寺東西二泉經胡家灣會磨子溪過土樓子入後龍洞出鍾家洞竹山口歸九溪出臨江河入江

梔子溪在東湖宜都分界之處發源於界嶺舖流入碼碯河出枝江縣董市入江

松門溪在河西舖去城西四十里發源於羅家溝出口入江

紫陽溪在河西舖去城西十里發源於麻衣村出口

入江

姜詩溪在對江爲一大溪發源於河西舖車溪經余王二壩會桃花溪過湯家河又會三澗溪過柘木坪響鈴口孫家溪至趙家坪右會白馬溪左會遊南溪過偏崖子至范家湖又會三叉口河出溪入江

捲橋溪在河西隔江五里發源於點軍坡左會姜詩溪入江

上五龍溪在隔江南十五里發源於馬家瀨接欄木溪水經胡家蓬林家蓬周家蓬張家嘴出口入江



下五龍溪在隔江南十五里發源於羅家冲出口入江

羅鏡灘溪在烏石舖去城南二十五里發源於灝二

溝經劉家蓬會野人溪出口入江

仙人橋溪在烏石舖去城南五十里發源於堰均過

龍潭腦朱木園出口入江

青溪在天峰舖與遠安界去城東九十里即雷思霈

詩所云百里青溪千仞秋是也互見古蹟

綠蘿溪在城東門外二里發源於東山寺右經龐家

溪沙溪入江

龐家溪在城北五里上跨安樂橋即古名龐家橋其

溪水歸沙溪與綠蘿溪沙溪同一溪也

磨子溪在寮家舖去城東七十里發源於龍王冲入

後龍洞出竹山口歸臨江

車溪在河西舖去城西八十里係姜詩溪發源之處

暮陽溪在河西舖去城西九十里發源於東湖歸州

交界之野猫溪經艾家河出口入江

三澗溪在河西舖去城五十里發源於車岸溪馬湖

營出栢木坪河流入姜詩溪歸江

桃花溪在河西去城四十五里發源於高家嶺出李



家壩湯家河入姜詩溪歸江

孫家溪在河西去城二十五里發源於車溪經偏嶸

子范家湖入姜詩溪歸江

白馬溪在河西去城二十五里發源於吳家嶺經李

家灣出趙家坪入姜詩溪歸江

牛欄溪在河西舖去城西二十五里發源於本冲經

韓家壩遊南橋過偏嶸子出姜詩溪入江

欄木溪在五龍舖去城南四十里發源於文佛山下

入馬家濡同流出胡家蓬張家嘴入江

野人溪在烏石舖去城南二十五里發源於本冲流

出羅鏡灘入江

陳子溪在紙坊舖去縣城二百里

仁壽橋溪在新興舖去城北十五里發源於木舖曹

家坊經葉家冲蔡家河七里岡過馬難坡下黃家

沱至曹家坊入長橋溪歸江

龍溪

黃溪以上二溪並見歐集今無考

河本係溪土語呼河

黃栢河在樟村舖去城北二十五里係長橋溪發源

處經遠安界過三隅大王下坪社林等舖歸長橋



溪入江

攘蕩河在楞演舖去城北一百里發源於本舖攘蕩  
埡過大峰會深溪小峰等舖溪水出與平兩河口  
入長橋歸江

彭家河在楞演舖去城北一百九十里發源於本舖  
古墓坪歸攘蕩河同出長橋溪入江

霧渡河在霧渡舖去城北一百八十里發源於菴屋  
老嶺經本舖百丈潭過大峰舖會深溪小峰等舖  
溪水流出與平兩河口入長橋歸江

照面河在霧渡舖去城北一百九十里發源於一村  
溝至中流河會紙坊舖白水頭溪歸兩河口出羅  
佃溪入江

牌樓河在大王舖去城北一百里發源於院庄舖入  
紫草河出兩河口歸長橋溪入江

紫草河在大王舖去城北一百里發源於樟村舖黃  
栢河經兩河口歸長橋溪入江

板倉河在菓園舖去城北一百七十里發源於霧渡  
舖照面河經兩河口出羅佃溪入江

蔡家河在下坪舖去城北二十五里即長橋溪上流  
源委已註長橋溪內



女家河在峰溪舖去城東三十五里發源於女家冲  
經陳塘坪河至鄆家河入燕子窩出蔡家河歸長

橋溪入江

鄆家河在大溪舖去城北三十里發源於本舖傅家

冲經冷水口會謝家河二水同入燕子窩出蔡家

河歸長橋溪入江

沙河在新興舖去城北八里一東發源於盤石舖連

三灣流入多子橋一北發源於齋公洞經鵝項頸

金家堤流入多子橋又南接望岡左右冲水總會

過響水灘歸長橋溪入江

楊樹河在峰溪舖去城東四十里其源來自大泉舖

關庄河歸九溪舖河入江

石橋河在峰溪舖去城東四十里其源來自大泉舖

關庄河經楊樹河歸九溪舖河入江

艾家河在河西舖去城西一百里發源於東歸交界

之野猫溪經暮陽溪出口入江

湯家河在河西舖去城西四十里發源於車溪會桃

花溪三澗溪孫家溪過偏礮子范家湖又會三义

河出姜詩溪入江

三义河在河西舖去城西十五里其源來自安子溪



經閔家蓬趙家蓬羅家壩吳家壩出口會范家湖  
入姜詩溪歸江

沱

屯甲沱在西壩去城五里相傳晉陸抗屯甲處俗訛

鄧家沱

城沱在峽口下去城十二里

南沱在袁家舖去城六十里

四方沱在紅石子下去城八十五里

茅坪沱在黃牛舖去城九十里

抖船沱在大江南岸去城四十里

潭

桃花潭在西壩松隱菴後去城五里內出桃花魚

源潭在三江去城四里

馬人潭在黃草壩去城五里

三龍潭在小峰去城一百二十里

上龍潭在三斗去城一百三十里

下龍潭在三斗去城一百三十里

百丈潭在霧渡去城一百四十里

泉

甘泉一一在姜孝子祠其水甚甘一在上黃陵廟



龍泉在龍泉舖集場上先年有潭今爲流沙所蔽惟山水涓涓而已一在蹇家舖

蝦蟆泉在蝦蟆培其色清其味美卽陸羽品水味所謂天下第四泉也

紫鱗泉在咸池舖龍興寺雷思霈遊寺有詩見藝文志

法官泉在大泉舖與沸水堰相隔六里水自地出翻成花泡如熱湯之沸與沸水堰相似

丹水在望州山根東有湧泉成溪卽丹水發源處又經亭下有石穴穴口有泉冬溫夏冷積而爲淵又

東北流注於彝水兩岸石上多虎迹或深或淺悉成自然自是而北注於彝水本水經註

池

洗墨池在東門內星街今建墨池書院

白龍池在縣學宮右

雲池在縣南八十里居大江之中水涸則見

二公官池在城東三里可溉千田

天鵝池在菓園舖

洗馬池在雙泉舖

洗米池在紙坊舖



野鷄池在樟村舖

龍鳳白池在三隅舖

楊柳池在深溪舖

堰

龍王堂堰在城內中書巷內

雙堰塘在城內縣學文昌閣後

竹堰塘在南城內小箭道後

翁家堰在東門外里許

琵琶堰係城濠在南門外附郭

劉家堰在東門外三里

王家堰在東山寺後去城十里

荷花堰在南門外五里

沸水堰在大泉舖去城東四十五里水自地中湧出

土人築堤為堰水翻浪花聲如熱湯之沸故名焉

其流四季不絕夏涼冬溫

渡

濟川渡在西塞門河下

蘆林古渡在孝子巖雍正十一年宜鎮總兵官治大

雄書建碑記

浣紗渡在浣紗溪下



一十五兩鄉耆藥公漢等共捐銀一百兩買田設  
渡胡子義捐基地一段施渡夫起屋居住

臨江渡在臨江河內為東南舖遞通津

南津渡在南津關河

廣福渡在大南門外出通志

南沱渡在南沱溪

羅佃溪渡在羅佃溪

下牢溪渡在三遊洞下

紫陽渡在斷江下

黃牛渡在黃牛舖

三斗舖渡在三斗舖

烏石舖渡在烏石舖與臨江大河對為東湖宜都舖

遞通津

石牌渡在蔡家河

白馬廟渡在巴牛坪

救生船隻附

白龍洞嚴希沱大峰硃沾山硃紅石子鍋籠子六灘  
各設有救生船一隻每隻額設水手六名每名歲  
給丁食銀七兩二錢除秋冬二季以黃牛三斗菓



園三舖租穀七十八石照時價折給外其餘不敷之項俱於藩庫請領給發以上舊志

六公嘴山在普溪坪上有峰如門影照江流

黃公山在普溪坪上有箬子洞產石青質白理直則象筍橫則為太極圖

又有燕子石大如核桃小如碁子

塚子山在三隅舖北岸白巖上石柱嵯峨突起數十

丈石可攀陟像天然塔

龜山蛇山在龍泉舖沙溪沖離城五十五里

馮子山在羅惹舖西界去城八十里

牯牛峰在普溪坪上有洗馬池俗傳為關帝蹟

獅子山在泥水舖

將軍山在望州舖

破石岩在普溪坪舊稱有鳳翔此

觀音洞在三隅舖鐵佛寺對面

龍門洞在小溪塔對河會小溪之水內有潭凡三第

一潭有石柱雙立若削成第二潭有石案第三潭

有龍牀歲旱往禱輒應其後二三兩潭皆被沙湮

惟第一潭如故

響鼓洞在羅惹舖西隅三叉灘之上洞有石高懸擊

之聲响如鼓離城八十里



石門洞舊志雖載其畧尙未詳也洞廣可百餘丈深計之將三四十丈高測之不下十餘丈洞門若懸雷仰起岩滴連晝夜不絕面臨溪夾溪南北奇峰峻嶺拱揖環峙縈帶若一洞中納五寺焉極西靈濟宮祠龍神有潭深泓莫測或云下爲伏流出南野坪別爲溪稍東爲張仙祠相傳張三峰遺蹟也下有漱玉亭鄧明經傳密所名環蒔竹柏洞溜飄灑其上密如驟雨又東則靈佑宮臥雲樓樓名馮展雲宮詹題也最東則靈泉寺寺內皆有洞西龍洞東風洞風洞尤深黑難行以火燭之石作龍鹿

形頭角鱗甲皆具山體凡二成其上中一巖各有洞遊者多至下巖之洞大抵靈奧而兼軒爽納日月之光吸巖秀之奇包含宏大探索難窮最爲邑中勝地云

宋家埡在普溪舖右對馬山左風古牛嘉慶初官軍與白蓮教匪戰於此

仰木埡在深溪舖樹陽坪左嘉慶初官軍仰遊擊戰歿於此故名

三澗溪在望州舖距城六十里後倚將軍山前枕月石左龍洞右魚泉二水會馬湖營至紅馬灘則三



溪交會矣東出雙梁口合車溪至孝子巖入江  
 十二華在望洲舖距城九十里有山名黃金岩上有  
 一泉水發則晴水退則雨土人屢試屢驗其山接  
 連東歸交界之野猫溪

東湖縣志卷七

學校志

彞陵立學宋商渡前莫考紹興淳熙間始遷入城  
 李侁謝諤皆有記惜其文佚不傳元明以來疊經  
 修復今州既改縣學校悉循州舊

國家化民成俗教學為先時至事起與邑士大夫經  
 畫而營度之宮墻美富煥然翼然而書院義學皆  
 循古黨庠術序之遺山川文物之應運而興其必  
 由是也夫志學校

東湖縣學在東湖門正街舊為彞陵州學前此創建



無考通志載宋故址在南門外今亦無攷紹興淳熙開並元至元之亡郊代有修葺至正五年學錄涂熙春總管府隱答忽重修俞焯有記明洪武初改建後歷知州馮浩彭本用州判鄔瑞林鉞等相繼修葺隆慶二年兵部尚書郎拜按察司僉事節鎮夔陵李堯佐又大修葺尚書劉一儒記明末兵燬

國朝順治九年知州事朱長允創建 文廟五間

順治十四年總鎮張大元知州孔斯和捐資創建明

倫堂三間

康熙四年知州事 趙汝節次修葺九年捐資大修

廟之儀門次明倫堂廳事次兩廡有記

康熙二十三年知州事田恩遠復修五十五年紳士

等改造重修六十二年重修名宦鄉賢祠

乾隆二十六年知縣林有蔭蒞任謁廟見廟宇傾圮

集諸紳士公議重修捐廉倡始移壬丙為癸丁向

稍擴其址適與舊基合自為之記其制為

大成殿一楹中奉

先聖旁列四配十一哲前為月臺階下為丹墀墀兩旁

左為



東廡祀先賢漢至先儒陸隴其共六十二位  
西廡祀先賢林至先儒蔡清共六十一位  
戟門門東爲

名宦祠祀唐許紹宋朱慶基歐陽修丁寶臣胡汪善  
王敕陳宣李芳馮浩席篆李一純姚宗堯匡鐸蕭  
景訓李允簡曹輻楊言繆宗周林信童世彥

國朝鮑孜張忠孝

按名宦祠舊有總督李燾李蔭祖丁思孔  
典巡撫劉兆麒劉殿衡陳訖  
其布政使任風厚張聖猷提學道蔣永

知府邱天英康廷璧等十三人內陸隴其已從  
祀兩廡邱天英舊有專祠今改爲龍王廟木主  
尚存其他皆司道以上大員不應列入縣學名  
宦且無詳請舊案可據疑係州人公立祿位供  
牌未便從祀特附載其名於左而移其主於文  
昌閣爲得其實云

西爲

鄉賢祠祀宋何參明袁泰趙勉易思唐貞王傑王燧  
易逢吉鄭元劉漢何求魯崇德王良策劉大賓許  
承恩劉一儒雷思霈陳禹謨王橋外爲



泮池前為

櫺星門易木柱以石又前為黌墻左右為黌門

崇聖祠在正殿後右首知縣林有席改建

明倫堂在正殿後左首仍舊

文昌閣今易名奎光樓在明倫堂左仍舊

忠義祠在奎光樓前內祀漢姜詩明李雲劉漢陳爾

鼎王良策陳琨楊宏鄒鵬王泰陳嘉翰

節烈祠在忠義祠前以祀漢姜詩妻龐氏以下二十

七位各姓氏詳列傳

正學在鄉賢祠右新建

儒學頭門一間儀門一間改修

教諭署二間書房一間在明倫堂後仍舊

訓導署二楹名三間在正學右新建

祀典附

祭

至聖先師孔子期在春秋二仲上丁

禮器

木登一個 鋤三十四件 簋各五十九件

磁爵三個 酒罇十二個 銅爵一百五十件

籩二百三十五件 豆二百二十四件

禮器



樂器

編鐘一架十六口 編磬一架十六口 琴六張

瑟四張 簫六枝 笛六枝 排簫一架

埙二個 篳四枝 笙六枝 應鼓一面

搏拊鼓二面 祝一座 敔一座 木笏六面

無器

羽籥三十六副 摩壎一首 旌節二首

祭品

帛一白色 牛一 羊一 豕一 登一 鉶一

簋四 籩十 豆十 白磁爵三

東配祭品

帛一白色 羊一 豕一 每位鉶一 簋二

簋二 籩八 豆八 爵三

西配祭品與東配同

東哲祭品 二案

帛一白色 豕一 鉶一 每案簋二 簋三

籩四 豆四 每位白磁爵三

西哲祭品與東哲同

東廡祭品 七案

帛一白色 豕一 每案簋二 簋二 籩四



豆四 每位酌一

西廡祭品與東廡同

按明嘉靖庚寅考正禮制兩廡去重祀者一人申黨  
即申棖又罷公伯寮秦冉顏何荀况戴聖劉向賈  
逵馬融何休王肅王弼杜預吳澄十三人增祀后  
蒼王通歐陽修胡瑗四人而以蘧瑗林放鄭眾盧  
植鄭元伏虔范甯七人各祀於其鄉隆慶五年薛  
瑄從祀萬歷十二年增入王守仁胡居仁陳獻章  
三人四十二年羅從彥李侗從祀

國朝康熙壬辰升朱子熹於十哲為十一哲五十七

年范仲淹從祀雍正二年復祀蘧瑗林放秦冉  
何鄭康成范甯六人增祀縣賈牧皮樂正克公都  
子萬章公孫丑諸葛亮尹焞魏了翁黃幹陳淳何  
基王柏趙復金履祥許謙陳皓羅欽順蔡清陸隴  
其二十人乾隆二年復吳澄從祀三年升有子若  
於十一哲為十二哲

崇聖祠原名啟聖祠舊惟祀聖父叔梁紇雍正元年

詔追封

孔子先世二代並為王爵以先賢顏無繇等四人配兩  
廡先儒周輔成等五人從祀



崇聖祠祭品

帛五 白色 羊一 豕一 釧一 簋一 簋一

邊八 豆八 每位白磁爵一

配位

帛二 白色 豕一 簋一 簋一 邊四 豆四

每位爵一

兩廡

帛二 白色 豕一 簋一 簋一 邊四 豆四

每位爵一

文武生徒定額

宋慶歷四年詔天下州縣立學弟子無定員

元學生額十五人其盛也至五十人皆受餼於學

明洪武十五年定縣學生員二十人給廩膳仍免差

徭二丁宣德間增廣員數如正額謂之增廣生正

統十二年於廩增廣之外復選俊秀附學肄業謂

之附學生

嘉靖三十七年始考取武生附儒學

國朝當順治初年沿舊額設廩膳生員二十人增廣生

員二十人附學生員無定額歲科考取人數亦無

定名十二年定例歲科各考取入附學生員十五



身清學元卷之一  
名額設廩膳生三十名增廣生如廩數康熙二年  
額設武生十五名至乾隆二年覆准彝陵州既改  
東湖縣取進文武生額照舊廩增各二十名二年  
一貢其宜昌新設府治文武童生額取進二十名  
廩增各四十名於現在彝陵州學之廩增三十名  
內擇幫補年分淺者各撥十名歸於府學俟十二  
年後廩額補足照例一年一貢其彝陵州學現在  
文武生員照例各半分隸肄業從前撥入荊州  
學之生員俱改歸宜昌府學如遇拔貢之年府  
准選拔二名縣學一名

書籍

舊志云書籍累朝頒降藏之尊經閣中雖失應志之  
四書大全 五經大全 性理大全 孝順事實  
為善陰騭 五倫書 大禮書 彰善癉惡錄  
通鑑綱目 逆臣錄 朝祭服圖 燕弁冠服圖  
思靜冠服圖  
州守吳從哲較刊離騷一部爾雅註疏一部二板藏  
州亦失

今舊藏

聖諭廣訓一本

學政全書一部

書經一部



詩經一部

春秋一部

性理一部

四書文一部

明史一部

乾隆十年頒發

周易折衷二部

書經二部

詩經二部

春秋二部

性理二部

乾隆二十年頒發

資治綱目三編

書院義學附

墨池書院在星街康熙閒知州宗思聖創建乾隆十

二年知府陳緯重修課士

邱公書院舊祀荊州知府邱天英在南門外今改

龍王廟

義學舊志在鎮川門內今廢

射圃

尊經閣在學後

敬一亭在學官後今廢

學田學地

一臨江舖田三十六畝

一河東小溪舖田一百零五畝九分零地二十畝

一大峯舖田五十五畝地九十九畝六分零

學地



一厚坪舖田八十畝三分零地一十六畝八分零

一河西舖田二十二畝

以上五處共田地四百三十五畝九分每年共給

租銀三十九兩四錢九分四釐零共應扣正賦條

銀一十二兩一錢七釐零查此項銀兩名雖扣完

正賦實係學租盈餘雍正十一年前牧何廣廷具

詳

藩憲批准按年給發社師於年底造冊申實實徵

租銀二十七兩三錢八分七釐零年終分給貧生

另冊申報

南池沙壩歲收舖租銀八兩前知縣胡翼詳請歸入

府學賑濟貧生嗣於乾隆二十五年漩沙淤積署

知縣張觀詳請停止二十六年知縣林有席前請

查勘南岸水淹北岸新積仍有舖戶搭棚貿易詳

請照南池舊例於北岸徵銀八兩歲給府學貧生

奉批允行以上舊志

崇聖祠

大成殿均於乾隆五十七年署令明珮集邑紳王世

珍等捐修

大成門嘉慶六年郡守金之忠前令彭運修重修



明倫堂咸豐十一年前命親祐建新

崇聖祠東序先賢孔氏孟皮咸豐七年從祀位最上  
崇聖祠東廡先賢公孫氏咸豐七年從祀位最上

東廡

先儒毛亨同治二年從祀  
陸道光二十九年從祀李綱咸豐元年從祀文天祥  
道光二十五年從祀方孝儒同治二年從祀  
宗周道光二年從祀呂柟同治二年從祀  
道光八年從祀

西廡

先儒韓琦咸豐二年從祀陸秀夫咸豐九年從祀  
端咸豐十年從祀呂坤道光六年從祀黃道周  
光五年從祀湯斌道光三年從祀

文武生徒定額詳見舊志惟咸豐十一年奉

旨以地方團練捐輸出力之故特加

獎勵東湖文武生員永遠各增廣二名又經同治二年  
以捐輸出力奉

旨東湖文武生員復各增廣一名永著為例

墨池書院自康熙時知彝陵州宗思聖始行創建乾  
隆時改州為郡矣太守陳緯復加葺焉然無膏火



久漸頽廢道光時太守程家頌乃募貲得錢三萬  
質有奇拓舊基而廣之繕治閎整增士子膏火爲  
置田征租發銀取息以充其費購書二千餘卷藏  
之供士子討論他器用莫不具又刊章程及學規  
示諸久遠皆詳見所自撰碑記中

爾雅書院咸豐十年前縣令劉浚倡捐重修十一年  
新開課士爾雅臺之前向有明月池爲部景純遺  
蹟舊已埋廢同治二年枝江人袁大令錦首捐錢  
百千俾爲疏鑿葺之以石清流環碧如偃月焉

六一書院立有年矣名存而實廢皆以膏火無出總  
里中多勸之永燦乃諾續有鄧璘者捐入屯田租  
穀二十二石其後文姓願將伊祖所施報恩寺僧  
田分撥租穀八十五石充賓興館公費邀邑中人  
士呈請於縣批准撥入所有代僧贖田等費七百  
餘緡皆藩理問王德芬獨捐未幾寺僧赴京誣控  
經部案判定施田斷入賓興郡伯飭縣遴擇首士  
八人闈分四人承管四人監察輪畢再舉租穀通  
三年計之可得六百石益議加增公費王德芬兄  
弟捐瓦屋舖面四間計價一千零六十於於是應  
會試者有公車費矣捷南宮入詞垣者有喜報費



其首士先後所議章程均請於郡縣刊石紀之  
至今遵用焉

永湖縣志卷之八

古蹟志

西陵江山之勝風號各區茫茫禹跡  
劫鼎以來古殿荒城不與秦灰俱燼  
所經地與俱韻滄桑曷易勝蹟猶存  
得踪跡而清復之甚其精神所寄有  
存也爰備志其興廢而附以篆墓俾  
後人得考鏡焉志古蹟

斷江峽在縣西南昔係大江禹治水至此開合峽口  
水勢併衝此江遂絕事載水經注



黃牛峽距縣城西九十里諸葛亮記云江左大山壁  
立峰巒如畫石壁間有神像鬚髮眉冠裝宛然  
前豎一旌旗後駐一黃犢猶有董工開導之勢故  
老所傳黃龍助禹開江九載功成信不誣也因爲  
立廟於此宋封嘉應保安侯稱靈感神又洛川神  
國朝宋琬有對聯題其廟柱云奇蹟著三巴珪壁無榮  
沈白馬神功符大禹煙臺猶見策黃牛書法亦逾

勁

劉封城在縣西北二十里三邊洞頂漢昭烈帝章武

初封守宜都郡所築

宜都城晉書地理志載在縣南境吳所築晉

此置郡唐置縣今廢

步騭城在下牢溪前漢延熙七年吳孫權以階爲

都督守西陵所築

步闡城在下牢溪前吳鳳凰元年步闡爲西陵都督

所築

按水經載江水出峽東南流逕故城洲註云洲

附北岸洲頭曰郭洲上有步闡故城吳西陵督

步騭所築鳳凰元年騭息闡據此城降晉按此

則城蹟當在今郭洲壩舊志云在下牢溪誤



陸抗城卽今西塞壩地一統志載在縣西五里赤溪其址尙存水經載江水又東逕故城北宋本作陸抗故城北註亦云所謂陸抗城也城卽山爲壩四面天險卽此蓋陸抗討步闡時所築旁有屯甲沱相傳卽陸抗屯兵所土人訛呼鄧家沱

臨江城一統志云在彝陵州南三十里魏武帝所築梁置臨江郡及縣後周置臨州隋州郡俱廢舊志亦云在州南三十里

按前五代梁書周書及南史皆無地理志故所置郡縣史多無考又按水經江水又東過夷陵縣北夷水從俱山縣南東北注之注曰魏武臨江分南郡置臨江郡劉備曰宜都郡治在縣東四百步故城吳陸遜所築也據此則臨江城當在今宜都境然今邑臨江舖在城南三十里猶沿舊稱與一統志所載適合必非無據姑兩存於此以俟博識

陸法和城南史武陵王紀稱帝於蜀五月己巳紀次西陵軍容甚盛元帝命護軍將軍陸法和立二城於峽口名七勝城

安蜀城一統志載在峽口陳宣帝征江陵後周軍於



峽口築壘以備蜀名安蜀城

夔陵州故城舊在下牢溪歷代遷徙不一至宋元始移今址詳見營建志

荆門城在荆門山下江山險阨因置城於此控守胡三省通鑑注後漢書註賢曰在今峽州夔陵縣東南宜都縣西北今猶有故城基址在山上

爾雅臺在城西北隅所堂街圖經云晉鄭璞註爾雅處旁有明月臺前爲明月池故老僉云峽州舊城爲璞流寓時所相度就山川形勢分配五行獨中央地勢卑下於土德爲弱因自申州輦土至峽相

陰陽向背之宜特建二臺鎮之明邑太史雷思齊

題廣雅齋詩所云景純註爾雅築臺江之澣載在述異記傳非西陵土者是也明季兵燹兩臺皆圯遺蹟尙存乾隆二十一年葉姓私賣與回人建寺紳士公呈前知縣胡翼勤明定界未及完案調任去二十七年紳士董秀張岷黃家柱等復請清復知縣林有席傳集士民履勘當據生員閻宏泉吏員劉瑚居民黃應祥等各拆退後牆歸公其清真寺及貢生裴組居民李國臣新宅皆侵臺池舊蹟念係成功不毀量出地價用資修砌以其餘歸典



生息爲將來臺池公費實勘得現定爾雅臺正基  
周圍方圓計九十二弓明月池正基周圍三十五  
弓於二十八年正月稟明知府張文燾批准立案  
明月臺見前

張飛擂鼓臺在三遊洞頂土人傳飛守郡日督兵於  
此今故壘猶存

至喜亭在西塞門外宋州守朱慶基建歐陽修有記  
歷久遂廢故基猶存乾隆二十六年知縣林有鹿  
乃卽西霸黃陵廟舊樓題至喜亭額榜其柱曰急  
峽高崗盤蜀道自黃牛佐夏山至此夔水至此陵

思明德而賽神功試看天際風帆片片落迤西一

壩雄藩重鎮壓荆門遡白起開秦郡還改府州還  
改縣履昇平而懷往蹟遙指江頭雲樹人人說至  
喜有亭

來豐亭在縣治楚塞樓後朱慶基守峽州歲屢豐州  
人作來豐亭以美之

靜練亭

洗心亭二亭俱在甘泉寺下見宋陸游入蜀記今皆  
廢

錦障亭亦見陸游入蜀記亭前舊有百年海棠二本



今廢無考

湖上亭杜甫集有寄題鄭監湖上亭詩題黃鶴邵二泉杜詩註俱云峽州夔陵州舊志因之

按鄭審爲荊州江陵少尹並未官峽州時李之芳在夔陵故百韻詩自註云李在夔陵鄭在江陵則鄭監湖亭在江陵明甚疑黃邵二說非是今詳爲考正而附於亭後蓋不歿其舊云

楚塞樓在縣治後許自誠詩雄當蜀道三千里鬼壓荆門十二州張權詩巴渝東畔楚塞樓江轉荆湖第二州查籥詩浪浪自記岑彭壘岡勢原依陸抗

城寇準詩道路連巴蜀風煙接楚邱卽此今廢

勅書樓宋州守朱慶基建又中書巷一明侍郎王篆建縣治東隅一九江道郭維藩建今皆廢

奎星樓在南藩門外廣福橋邊下臨江岸樓廢址存至喜堂在縣治東宋州守朱慶基爲歐陽修立作記刻石今廢

絳雪堂在縣治內楚塞樓前宋州守朱慶基與僚屬會飲石欄畔紅梨盛開座客皆賦詩歐陽修有句云風迴絳雪尊前舞日煖繁香露下聞後人遂取以顏其堂康熙年間知縣鮑孜重建乾隆二十七



年知縣林有席補種紅梨一株

六一堂在縣城外東一里宋歐陽修號六一居士明

知州李一廸建課士於中榜曰六一書院今廢

四賢堂在縣城東關外祀宋歐陽修蘇軾蘇轍黃庭

堅四先生後堂地址廢雍正年間知州何廣廷清

出原基

甘泉在隔江孝子巘一名孝婦泉相傳爲姜詩妻龐

氏汲泉躍鯉處有辨見藝文

第四泉在蝦蟆培石大數丈形如蝦蟆其山出泉陸

羽嘗品其水味居天下第四黃庭堅嘗汲泉烹茶

稱其冷烈人齒有句云巴人漫說蝦蟆培試裹春

芽來就煎陸游詩云巴東峽裏最初峽天下泉中

第四泉隔江稍東即明月峽一名扇子峽其山形

潔白如月又其上石竅亦如偃月形故名

黃牛峽石泉在黃牛廟後黃庭堅入蜀烹茗於此

明月池詳見爾雅臺

洗墨池在城內縣學前晉郭璞註爾雅洗墨於此宋

蘇軾黃庭堅相傳曾於此學書至今池水墨色明

州人鄭元有記乾隆七年知縣李越建書院於此

十二年知府陳緯重修二十七年知縣林有席濬



引池溝周遭加砌石條如式

青谿在州東九十里與遠安連界唐田游巘寓夔陵  
愛其山水之勝隱居於此

松門谿在平善壩稍西里許山水清遠林木深邃爲  
峽中勝地歐陽修常遊此有詩

楚西塞卽荆門虎牙山川迴復遠自蜀來千里一  
束爲全楚西南屏障公孫述於此作浮橋拒漢岑  
彭破之查籥題楚塞樓詩所云岑彭壘疑當在此  
武侯碑在黃牛峽廟前石隅上覆以亭石色白澤作  
六隅形銳上豐下迥殊今製相傳卽亮遺筆惜漢

隸已失好事者重加鐫刻頓失舊觀

武侯遺筆在甘泉寺石壁刻忠孝廉節四大字舊志  
一諸葛亮書

按閩人林焯所書此四字鐫石白鹿洞今江浙  
各學多雙鉤勒之石此蹟疑亦昔人所摹刻者  
且漢以前用隸字晉始有楷書今此四字皆今  
文又無題識其非亮手書可知又黃陵廟金蓮  
花土人亦傳是亮手植於書皆無考附識於此  
三遊洞在州西北二十里濱大江之左面臨下牢溪  
巘洞幽邃唐元和間白居易與弟行簡及元祐參



遊洞中因以名之有碑刻遊序宋蘇洵及子軾轍同遊此人以爲後三遊云

棊軒歐陽修建基址無考有詩見藝文

葛藤窩基址無考宋隱士陳海增避地峽州居此

督郵石水經注載宜都建平二界有倚石如二人攘

臂相對傳二郡督郵立界於此宜都卽今夔陵建

平卽今歸州二石尙在舟行過此乃見之宋琬有

句云蜀國至今悲杜宇楚人終是戀鴻溝新城王

士正劇稱之

黃金藏在縣西南四十里臨江相傳有寶軸秘函宋

陳膺訪於故老謂崖內書皆金版得一冊以歸

古易傳但曰易無周字與今周易絕異

月峽仙跡在石門洞石壁有土書月峽張仙到此六

字經風雨不變傳是張三丰手書有辨見山川志

互詳方伎

附邑紳別業

水月山房在河西郭家壩

摩訶菴在河西小溪俱明翰林學士郭思溫建今廢

南華園在中書卷明中書舍人王之綱建今廢

五雲堂基無考明光祿寺丞王之宸建



東山草堂以上皆明工部尚書劉一儒建今無考  
帶樹居在南湖明廣德州同王袍廷今廢

依雲閣

端芝堂

東山草堂以上皆明工部尚書劉一儒建今無考

廣雅齋在爾雅臺後明工部郎中劉戡之別業雷思

霈有句云君家二臺間爲君題廣雅齋額尙借之

何況過其下彭蠡與豹鼠如辨五色鮓何莫學夫

詩鳥獸草木也流覽知苦心閱歲幾易藁後來諸

作者羽翼亦不少九流涉津梁六藝就文藻願君

廣此旨如江如河浩哉之孫廷僖在浙題郭璞井

有云野煙秋浦細飄泊憶吾家之句自註云余

後爾雅臺景純著書處也念之忉怛蓋卽指此

霏煙閣明諸生羅冕肄業舊居今廢

雙栢樓在忠義街明貢生羅旒建

歲星堂

甘園

百衲閣

勾將館

醉石齋

蓬池閣



東湖志 卷之九  
陽明閣

枇杷菴

以上俱在城東明太史雷思霈建今皆廢

略園基無考明大學士文安之別業

清嘯軒

鷓鴣軒俱在大南門明温州府同知陳禹謨建

疎響亭

七松草堂俱在白岩庄明固原州同陳萬言建

栗園

用天堂俱在土門塢明大僕寺丞陳正言建

寓菴在城東

萬松莊在金巴嶺俱明兵巡道郭維翰建

聚星樓在墨池書院左明鴻臚寺序班陳爾鼎建

學稼亭在東湖

水竹居卽今府治處也舊係太子少保夔陵總鎮張

忠孝故宅其子肇均著述其中所編詩稿名學稼

吟云

悠然亭在大教場之左側係陽穀知縣王言惠歸田

時葺以課子栽竹蒔花結構頗工面葛道諸山九

饒遠致



冢墓附

元主事張之才墓在縣東九十里界嶺

明戶部尚書趙勉墓

舊志云在趙家坪今核實在花果園趙家坪係勉考妣墓又云仰天坪係勉祖墓離城十二里

戶科給事中唐貞墓在城東北二里

封光祿寺卿劉大賓墓在縣東六十里地名石華山

萬歷六年賜葬申時行表其墓

南京工部尚書劉一儒墓在縣東二里萬歷十五年

賜葬

吏部左侍郎王篆墓在縣東三里

貴州按察司副使王橋墓在城東三里

陝西左布政使雷以仁墓在縣大江西十里地

峽湖

翰林院檢討雷思肅墓在縣大江西十五里

雲南提學道鄭元墓在縣城東五里

四川巡撫王維章墓在縣城東三里東山寺右

大理寺評事易文簡墓在城南四十里磨盤溪

潁州知州李雲墓在城大江西四十里梓鄉坪

封中憲大夫涿州知州陳禹謨墓在城東南臨江華

容嚴首昇誌墓

處士羅文彬墓在大江西袁宏道誌墓



東漢書卷之六  
川東道陳正言墓在城東長田坪

鶴慶知府何璋墓在城南五里

南昌同知郭宗儀墓在東山寺後

翰林院庶吉士黃燦墓在縣北十五里地名黃家沱

國朝太子少保彝陵州總鎮張忠孝墓在城南五里康

熙四十四年

詔賜祭墓

明周烈婦墓在對馬山下普菴寺側

國朝有王烈婦墓在六一書院旁有碑見雜錄



